

Svar

heilbrigðisráðherra við fyrirspurn frá Andrésí Inga Jónssyni um brjóstapúða.

1. *Hvernig hafa heilbrigðisyfirvöld fylgt eftir þeim úrbótum sem sagðar voru nauðsynlegar á skráningu brjóstapúða í kjölfar viðbragða við hinum gölluðu PIP-brjóstapúðum?*

Í kjölfar PIP-brjóstapúðamálsins var lögfest skylda á alla sem gera aðgerðir með ígræðanlegum lækningatækjum að halda rafræna skrá. Skv. 33. gr. laga nr. 132/2020, um lækningatæki, skulu heilbrigðisstofnanir, starfsstofur heilbrigðisstarfsmanna og rekstraraðilar halda rafræna skrá yfir einkvæmar tækjauðkenningar þeirra lækningatækja sem þau hafa afhent og tilheyra ígræðanlegum tækjum. Í sömu grein laganna kemur fram að Lyfjastofnun geti óskað þess að fá aðgang að skránni, þar á meðal persónugreinanlegum upplýsingum sem þar eru.

2. *Hefur ráðuneytið til skoðunar að setja á laggirnar brjóstapúðaskrá, eða skrá um önnur lækniþræðileg ígræði, til að tryggja rekjanleika og öryggi sjúklinga?*

Ráðuneytið hefur unnið að því að skoða hvort og hvernig megi setja á fót miðlæga ígræðisskrá yfir öll ígræðanleg lækningatæki, þar á meðal brjóstapúða. Í þessu samhengi má benda á að lög nr. 41/2007, um landlækni og lýðheilsu, eru nú þegar í endurskoðun með það að markmiði að tryggja enn frekar lagalegan grundvöll fyrir rekstur heilbrigðisskráa.

3. *Hversu margir einstaklingar hafa fengið ígrædda brjóstapúða, hversu mörg hafa látið fjarlægja brjóstapúða og hversu oft hefur ástæða fyrir því að fjarlægja púða verið galli í þeim eða veikindi af völdum þeirra? Svar óskast greint eftir árum sl. 10 ár.*

Landspítali skráir öll brjóstaígræði, líkt og aðra íhluti. Í eftirfarandi töflu má sjá fjölda aðgerða eftir ári síðastliðin tíu ár sem og fjölda aðgerða þar sem brjóstaígræði hefur verið fjarlægð. Í töflunni er einnig sýndur fjöldi aðgerða við að fjarlægja brjóstaígræði þar sem einnig var merkt að um hlutrænan fylgikvilla brjóstagervis og -ígræðis hafi verið að ræða. Á síðastliðnum tíu árum hafa 606 fengið brjóstaígræði en yfir tíu ára tímabil eru einhverjar konur sem hafa farið í fleiri en eina aðgerð, breytileikinn er nokkur enda ástæða aðgerða af mismunandi toga.

Brjóstapúðaáðgerðir á Landspítala

Ár	Fjöldi einstaklinga		Þar af með merkingu um hlutrænan fylgikvilla brjóstgervis og -ígræðis
	Ísetning brjóstapúða	Fjarlæging brjóstapúða	
2013	60	34	14
2014	51	32	10
2015	40	21	10
2016	49	20	7
2017	63	30	14
2018	99	31	7
2019	103	43	6
2020	95	27	5
2021	93	44	12
2022	81	39	8
2023 jan-okt	62	27	4
Samtals	796	348	97
Hver kennitala talin einu sinni yfir allt tímabilið	606	313	94

Ekkert gallað ígræði hefur verið skráð á þeim tíma. Langalgengast er að um uppbyggingu brjóst/brjósta sé að ræða eftir krabbameinsmeðferð. Einnig má rekja fjölda aðgerða þar sem brjóstáígræði eru fjarlægð til uppbyggingar brjósta eftir krabbameinsaðgerð, þar gæti verið um lagfæringu eftir á að ræða eða skipti á ígræði af einhverjum orsökum þar sem ýmislegt getur komið upp við brjóstaupbyggingu sem þarf að laga seinna.

Veikindi sem beinlínis eru rakin til eða sannanlega eru vegna brjóstáígræða eru engin skráð hjá Landspítala en skurðlæknar lýtaskurðeildar hafa haft skjólstæðinga sem hafa óskað eftir því að fá brjóstáígræði fjarlægð vegna einkenna sem íþyngdu þeim án þess að orsök myndust. Enn má endurtaka hér að það er mat skurðlækna lýtaskurðeildar að slík tilfelli séu færri en tíu á síðustu tíu árum.

Ekki eru til upplýsingar um fjölda einstaklinga sem hafa fengið ígrædda brjóstapúða á einkastofum.